

# Semakan Daftar Pemilih SPR Online Dan SMS

**Semakan Daftar Pemilih SPR Secara Online Dan SMS.** Sudahkah anda bersedia untuk mengundi pemimpin anda? Jika belum lekas-lekaslah buat pendaftaran pemilih pilihanraya mengikut langkah-langkah yang telah disyorkan oleh SPR di bawah ini. Kepada mereka yang telah mendaftar, anda boleh membuat Semakan Daftar Pemilih Suruhanjaya Pilihan Raya (SPR) secara Online dan SMS.



## Cara Buat Semakan Daftar Pemilih SPR

Bagi mereka yang telah mendaftar tetapi ingin tahu lokasi tempat DAERAH MENGUNDI, DUN dan PARLIMEN anda, sila buat **semakan daftar pemilih** mengikut cara berikut :-

# Sudahkah anda semak?

**Web** : <http://www.spr.gov.my>

**SMS** : Taip **SPR** <jarak> **SEMAK** <jarak>  
No.IC (cth : **840121025509**) dan  
hantarkan ke **15888**

**Call Center** : **03 8892 7000**



## Semakan Daftar Pemilih Online

- 1) [Semakan Daftar Pemilih SPR](#)

. Sila Masukkan NOMBOR KAD PENGENALAN (tanpa "-" atau "space"). Maklumat semakan adalah seperti Daftar Pemilih Induk 2015 yang diwartakan pada 15hb April 2016.

- 2) [Semakan Daftar Pemilih Bagi Isi Rumah](#)

## Semakan Secara SMS

1. Taip **SPR** <jarak> **SEMAK** <jarak> No I.C (Contoh **840121025509**) dan hantar ke **15888**
2. Taip SPR <jarak> No I.C (Contoh 840121025509) dan hantar ke 15888

## Panggilan ke Call Center

- No : 03-8892 7000

## Cara Membuat Pendaftaran Pemilih SPR

Orang ramai boleh membuat pendaftaran pemilih di pusat-pusat pendaftaran yang dikongsikan di bawah ini kerana SPR melaksanakan sistem pendaftaran pemilih sepanjang tahun.

Untuk makluman, 30 September 2016 sebagai tarikh tutup pendaftaran pemilih untuk mengundi di PRU14 adalah tidak benar. Tarikh yang dinyatakan adalah tarikh akhir bagi pendaftaran yang akan dimasukkan dalam Daftar Pemilih Tambahan Suku Ketiga 2016.

Individu yang mendaftar dalam tempoh bermula 1 Oktober hingga 31 Disember 2016 akan dimasukkan dalam Daftar Pemilih Tambahan Suku Keempat 2016.

Anda layak mendaftar sebagai pengundi dengan membuat pendaftaran pemilih dengan syarat anda memenuhi syarat berikut:

- Warganegara Malaysia;
- Sudah mencapai umur 21 tahun;
- Menetap di mana-mana Bahagian Pilihan Raya di Malaysia; dan
- Tidak dihalang / hilang kelayakan oleh undang-undang yang berkuatkuasa

## Pusat Pendaftaran

- **(a)** Ibu Pejabat SPR Malaysia

Aras G, Menara SPR

No.2, Jalan P2T, Presint 2

62100 Putrajaya

No. Telefon: 03-88927000

- **(b)** Pejabat-Pejabat Pilihan Raya Negeri
- **(c)** Maklumat pejabat-pejabat pos
- **(d)** Kaunter SPR melalui Program Outreach
- **(e)** Pejabat-Pejabat Kedutaan, Suruhanjaya Tinggi & Konsulat Jeneral di Luar Negeri. Sila klik pada <http://www.kln.gov.my/home/>
- **(f)** Penolong Pendaftar yang dilantik daripada kalangan parti-parti politik, agensi-agensi kerajaan dan pertubuhan bukan kerajaan

# Cara Untuk Mendaftar

## A. UNTUK PEMILIH BIASA

Untuk mendaftar sebagai pemilih biasa, anda perlu:

- (a) Datang sendiri ke mana-mana pusat-pusat pendaftaran;
- (b) Serahkan kad pengenalan anda kepada petugas SPR yang akan mengisikan borang pendaftaran anda;
- (c) Semak borang pendaftaran yang telah diisikan oleh petugas SPR dan pastikan semua maklumat yang diisikan adalah betul dan mengikut sebagaimana dalam kad pengenalan anda sebelum menurunkan tandatangan;
- (d) Menurunkan tandatangan anda selepas berpuas hati; dan
- (e) Dapatkan salinan borang pendaftaran dan simpan sebagai bukti sekiranya perlu untuk membuat sebarang tuntutan semasa tempoh pameran, Rang Daftar Pemilih Tambahan nanti.

## B. UNTUK PENGUNDI TIDAK HADIR

### Anggota Tentera

Pendaftaran PTH dari kalangan ATM dilaksanakan oleh pegawai-pegawai JRP-ATM. Untuk mendaftar sebagai PTH, anda perlu:

- (a) Menghubungi petugas-petugas SPR yang dilantik dari kalangan pegawai JRP;
- (b) Serahkan kad pengenalan tentera anda dan MyKAD (untuk pasangan) kepada petugas yang dilantik oleh SPR yang akan mengisikan borang pendaftaran anda.
- (c) Apabila diserahkan kembali borang yang telah diisikan, semak borang pendaftaran yang telah diisikan dan pastikan semua maklumat yang diisikan adalah betul, sebelum menurunkan tandatangan;
- (d) Turunkan tandatangan anda selepas berpuas hati; dan;
- (e) Dapatkan salinan borang pendaftaran dan simpan sebagai bukti sekiranya perlu untuk membuat sebarang tuntutan semasa tempoh pameran draf Daftar Pemilih Tambahan.

### Nota:

- (a) Pusat Mengundi anggota ATM dan pasangan adalah ditetapkan mengikut alamat tempat bertugas anggota ATM tersebut.
- (b) Hanya anggota ATM dan pasangannya sahaja yang layak untuk mendaftar sebagai PTH. Anggota keluarga yang lain perlu mendaftar sebagai pemilih biasa dan Pusat Mengundi ditetapkan menggunakan alamat kediaman pemohon (sebagaimana dalam kad pengenalan).

## WARGANEGARA MALAYSIA YANG BERADA DI LUAR NEGARA

Pendaftaran PTH dari kalangan penjawat awam atau pelajar di luar Negara serta pasangan mereka dilaksanakan oleh pegawai-pegawai pejabat Pesuruhjaya Tinggi, Kedutaan atau Konsulat Malaysia di luar negara. Untuk mendaftar sebagai PTH (luar negara), anda perlu:

- (a) Datang sendiri ke pejabat Pesuruhjaya Tinggi, Kedutaan atau Konsulat Malaysia di luar negara;
- (b) Serahkan MyKad atau pasport anda kepada petugas yang dilantik oleh SPR yang akan mengisikan borang pendaftaran anda;
- (c) Nyatakan alamat tempat tinggal di luar Negara anda, pekerjaan anda dan nombor siri borang A kepada petugas untuk diisikan dalam sehelai kertas A4 dan dikepilkan dengan borang pendaftaran anda.
- (d) Semak borang pendaftaran yang telah diisikan dan pastikan semua maklumat yang diisikan adalah betul, sebelum menurunkan tandatangan;
- (e) Turunkan tandatangan anda setelah berpuas hati; dan
- (f) Dapatkan salinan borang pendaftaran dan simpan sebagai bukti sekiranya perlu untuk membuat sebarang tuntutan semasa tempoh pameran Rang Daftar Pemilih Tambahan.

Sumber: <http://www.panduanmalaysia.com/2014/09/semakan-daftar-pemilih-suruhanjaya-pilihanraya-online-spr.html>